

**KONFERENCIJA
PARLAMENTARNIH KOMISIJA ZA EVROPSKE INTEGRACIJE
DRŽAVA UČESNICA U PROCESU STABILIZACIJE I PRIDRUŽIVANJA
JUGOISTOČNE EVROPE**

Sarajevo, 16. - 18. juni 2005.

ZAJEDNIČKA IZJAVA

Mi, predsjedavajući Parlamentarnih odbora za evropske integracije država učesnica u procesu stabilizacije i pridruživanja Jugoistočne Evrope ponavljamo svoje uvjerenje da jasna i nedvojbena perspektiva punog članstva u EU predstavlja najpotrebniji i najefikasniji poticaj u težnji ka reformama i njihovom postizanju u našim zemljama koje imaju za cilj osiguravanje regionalne stabilnosti i unutarnjeg demokratskog, ekonomskog i društvenog razvoja.

Ponavljamo da već postojeće odluke koje su donijele države članice EU o proširenju na Jugoistok, bilo da su donesene na Solunskom samitu 2003. godine, ili nakon tog Samita, daju perspektivu članstva u EU svim zemljama Jugoistočne Evrope kada one pojedinačno ispune kriterije za prijem.

Sadašnja neizvjesnost u vezi sa ratifikacijom Ustavnog sporazuma EU zahtijevat će još vremena za razmišljanje o jednom efikasnom političkom, ekonomskom i društvenom modelu Evrope. Naša pozicija i poruka je da sadašnji izazovi vezani za unutarnja rješenja EU, buduću finansijsku perspektivu ili apsorpiranje novih članica ni na koji način ne smiju negativno utjecati, niti odugovlačiti proces proširenja u Jugoistočnoj Evropi. Uvjereni smo da proces proširenja može i mora ići paralelno sa internom debatom u EU o prevazilaženju različitih gledišta o ustavnim rješenjima. Na kraju krajeva, peta runda proširenja je uspješno tekla i bila okončana paralelno s debatom o Ustavnoj konvenciji.

EU će imati korist od činjenice da bi mogla uputiti ohrabrujuće signale koji dokazuju da kohezivne sile Unije i sad djeluju, čak i u turbulentnom vremenu. Stoga pozivamo države članice EU da zadrže visoko na svom dnevnom redu proces proširenja time što će donijeti brze odluke o otvaranju pregovora o pristupanju sa Hrvatskom, davanjem statusa kandidatkinje Makedoniji, postizanjem Sporazuma o stabilizaciji i pridruživanju sa Albanijom, te ubrzanjem postizanja Sporazuma o stabilizaciji i pridruživanju sa Bosnom i Hercegovinom i Srbijom i Crnom Gorom.

Imajući u vidu da IPA sredstva neće biti povećavana, vjerujemo da će to imati negativan uticaj na naš dalji demokratski i ekonomski razvoj, te predlažemo da sve komponente IPA od početka budu dostupne svim zemljama Procesu stabilizacije i pridruživanja EU, nezavisno od toga hoće li do 2007. steći status kandidata.

Naši parlamenti su spremni promicati i provoditi reforme koje se temelje na EU. Očekujemo da se EU drži svojih odluka o proširenju, čime će potvrditi vlastito poštivanje vladavine prava i demokratskih procedura. Čineći to, ona će istovremeno ohrabriti entuzijizam političara i javnosti u Jugoistočnoj Evropi za postizanje demokratske stabilnosti i ekonomske konkurentnosti zemalja ovog regiona.